

**BOSNA I HERCEGOVINA**  
**FEDERACIJA BOSNE I HERCEGOVINE**  
Federalno ministarstvo poljoprivrede  
vodoprivrede i šumarstva

Broj: 04-20/1-430/22 P.J.  
Sarajevo, 09. 02. 2022. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**ZASTUPNIČKI/PREDSTAVNIČKI DOM**

**BOSNIA AND HERZEGOVINA**  
**FEDERATION OF BOSNIA AND HERZEGOVINA**  
Federal Ministry of Agriculture, Water  
Management and Forestry

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 14-03-2022			
Org. jed.	Broj	Priloga	Vrijednost
05/1	-02-	28	122

n/r Predsjedavajućeg Zastupničkog doma Parlamenta Federacije BiH,

n/r Tajnika Zastupničkog doma Parlamenta Federacije BiH,

n/r Gosp. Nedžada Šečića zastupnika u Zastupničkom domu Parlamenta Federacije BiH

**VLADA**

n/r Tajnice Vlade Federacije BiH

PREDMET: Poslaničke inicijative; dostavlja se odgovor,

Veza: Vaš akt broj: 05/1-02-28/22 od 27. 01. 2022. godine

Poštovani,

U Vašoj zastupničkoj inicijativi zatražili Ste da se iz Programa novčanih potpora u poljoprivredi i ruralnom razvoju Federacije BiH (U daljem tekstu: Program novčanih potpora) potiče izgradnja sistema protivgradne zaštite i to nabavka nove opreme za izgradnju sistema, to su mreže, stupovi, žice i ostalo u iznosu od 50% investiranih sredstava a da minimalna površina koja se štiti sistemom protivgradne zaštite iznosi jedan hektar.

S tim u vezi želimo Vas izvijestiti da Federalno ministarstvo poljoprivrede, vodoprivrede i šumarstva (u daljem tekstu: Federalno ministarstvo poljoprivrede) tijekom prethodnih nekoliko godina u svom Programu novčanih potpora, u okviru mjera ruralnog razvoja, između ostalog podržava podizanje rasadnika i nasada voća, stolnog grožđa i cvijeća, te nabavku opreme za zaštitu od grada, mraza, ograđivanje nasada, kompjutersku opremu i softver za nasad, opremu za navodnjavanje i kompjutersku opremu za praćenje i kontrolu sustava navodnjavanja. Uvjet za ostvarivanje prava na potporu je ulaganje od minimalno 2.000 KM za fizičke osobe sa PDV-om, odnosno 4.000 KM za pravne osobe. Dakle, ono što su poljoprivrednici sa područja TK tražili zapravo već imaju na raspolaganju pod manje zahtjevnim uvjetima i za veći opseg opreme od traženog.

Vezano za visinu potpore od 50% investiranih sredstava možemo reći da smo do sada davali potporu do 25% odnosno do 30% prihvatljivih troškova ulaganja, uz proporcionalno smanjenje potpore u slučaju kada iznosi traženih sredstava prelaze raspoloživi proračunski iznos. Tako je u 2021. godini umjesto planiranih 30%, nakon proporcionalnog smanjenja moglo je biti isplaćeno svega nešto preko 23% iznosa prihvatljivih ulaganja. Da bi se udio potpore mogao povećati na 50% potrebno je osigurati dodatna sredstva u Proračunu Vlade

Federacije BiH za Grant za poljoprivredu i ruralni razvoj. Uskoro će Parlamentu Federacije BiH biti dostavljena Strategija poljoprivrede i ruralnog razvoja Federacije BiH 2021-2027 godina, u kojoj će biti navedene ne samo mjere nego i godišnji iznosi sredstava po mjerama, pa će Parlament biti u prigodi stvoriti podlogu za povećanje stupnja podrške u okviru navedenih mjera.

Vezano za inicijativu za povećanje sredstava za biljnu proizvodnju sa sadašnjih 20% na 30%, obavještavamo Vas da još uvijek nije usvojen Proračun Federacije BiH za 2022. godinu, a samim tem ne zna se ni iznos sredstava koji će biti odobren za Federalno ministarstvo poljoprivrede. Imajući u vidu poteškoće sa kojima se susreću poljoprivredni proizvođači, pogotovo kada je u pitanju poskupljenje troškova sjetve, a koja je troškovno locirana u okviru biljne proizvodnje, Federalno ministarstvo poljoprivrede svakako planira povećanje sredstava za ovaj model, ali opet u skladu sa odobrenim Proračunskim sredstvima. Napominjemo da su svi klijenti čiji su zahtjevi bili blagovremeni, osnovani i potpuni, i koji su ispunili propisane opće i posebne uvjete, ostvarili pravo na novčanu potporu za biljnu proizvodnju u okviru Programa novčanih potpora za 2021. godinu, koji su im isplaćeni u punom iznosu.

Podnesena je i inicijativa za obavljanje javne rasprave sa relevantnim predstavnicima poljoprivrednih proizvođača – udruženjima, savezima, zadrugama, odborima za poljoprivredu i drugim sudionicima, a vezano za donošenje Programa novčanih potpora. Federalno ministarstvo poljoprivrede redovito, svake godine, prije nego konačno utvrdi tekst nacrtu Programa novčanih potpora za tekuću godinu obavezno provodi proceduru javne rasprave.

Najprije se tekst prednacrtu Programa novčanih potpora stavlja na web stranicu Federalnog ministarstva poljoprivrede, tako da svi predstavnici zainteresirane javnosti imaju mogućnost izvršiti uvid u Program, a potom pisanim putem odnosno putem elektronske pošte mogu dostaviti i svoje komentare, primjedbe i prijedloge. Pored toga u razdoblju dok se provodi javna rasprava održavaju se i sastanci sa relevantnim predstavnicima poljoprivrednih proizvođača uključujući udruženja poljoprivrednika, saveze udruženja, zadružni savez Federacije BiH i predstavnike zadruge. Sugeriramo dakle i poljoprivrednicima sa prostora TK da iskoriste postojeće kanale komunikacije kako bi dostavili svoje prijedloge i primjedbe na Program novačnih potpora i tako aktivno sudjelovali u njegovom kreiranju.

Vezano za inicijativu o proglašavanju divljih svinja na području Tuzlanskog i Posavskog kantona štetočinama možemo reći da su status divljači, kao i gospodarenje lovištem i divljači u Federaciji Bosne i Hercegovine propisani Zakonom o lovstvu ("Službene novine Federacije BiH" ", br.4/06, 8/10 i 81/14) i podzakonskim aktima donesenim na osnovu njega.

U skladu sa odredbama Zakona o lovstvu divlja svinja predstavlja vrstu krupne divljači koja slobodno živi u prirodi, a svrstana je u kategoriju lovostajem zaštićene divljači. Lovištem se gospodari na osnovu lovnoprivredne osnove i godišnjeg plana gospodarenja lovištem.

Lovnoprivredna osnova je dugoročni planski dokument kojim se uređuje gospodarenje lovištem i divljači na desetogodišnje razdoblje, u skladu s mogućnostima staništa te brojnosti i stanjem populacije divljači koja obitava u lovištu.

Godišnji plan gospodarenja lovištem je provedbeni dokument koji se donosi za lovnu godinu, koja počinje 1. 4. tekuće godine i traje do 31. 3. naredne godine, i zasniva se na

odredbama lovnoprivredne osnove i podacima proljetnog prebrojavanja divljači i u njemu se između ostalog, planira izlučivanje (odstrjel) divlje svinje.

Suglasnost na lovnoprivrednu osnovu i godišnji plan gospodarenja lovištem daje nadležno župaanijsko/kantonarno ministarstvo, a odredbe lovnoprivredne osnove i godišnjeg plana gospodarenja lovištem su obavezne.

Sprečavanje i nadoknada štete od divljači u lovištu propisana je Zakonom o lovstvu i Pravilnikom o mjerama za sprečavanje štete od divljači i na divljači („Službene novine Tuzlanskog kantona”, broj: 14/20). Nadležno kantonalno ministarstvo Posavskog kantona još uvijek nije propisalo mjere za sprečavanje štete od divljači i na divljači, a što je bilo dužno u skladu sa odredbama članka 68. Zakona o lovstvu.

Članak 68. stavak 1. Zakona o lovstvu propisuje: “Korisnik lovišta dužan je poduzimati mjere za sprečavanje šteta koju divljač može učiniti imovini ili ljudima na zemljištu i vodi na kojima se nalazi lovište (održavanje broja divljači prema kapacitetu lovišta, osiguranje prehrane u lovištu, postavljanje čuvara i dr.)”.

Člankom 68. stavak 2. Zakona o lovstvu propisano je: “Vlasnici zemljišta i stoke, odnosno korisnici zemljišta na kome je osnovano lovište dužni su na zemljištu, objektima gdje stoka boravi i opremi koja se koristi u obradi zemlje poduzimati uobičajene mjere za sprečavanje šteta od divljači i na divljači (učinkovitim ogradama, električnim pastirom, postavljanjem plašila, zaštitom mladih sadnica omotavanjem ili premazivanjem, ispašom stoke sa pastirom na površinama dozvoljenim za pašu, postavljanjem plašilica na kosačice i kombajne, sudjelovanjem u organiziranom pogonu i sl.)”.

Odredbama Pravilnika o mjerama za sprečavanje štete od divljači propisane su obaveze korisnika lovišta, kao i vlasnika i korisnika zemljišta u cilju sprečavanja šteta koje divljač može pričiniti imovini ili ljudima na zemljištu i vodi na kojima se nalazi lovište.

Korisnik lovišta obavezan je poduzimati slijedeće mjere:

- održavati brojnost divljači u granicama bonitiranih i lovno gospodarskom osnovom utvrđenih kapaciteta za uzgajanje zaštićenih vrsta divljači, a na nivou biološke ravnoteže za ostale vrste divljači van režima zaštite,
- osiguravati hranu za sve vrste divljači koja živi u lovištu u potrebnoj količini, a za vrijeme pojave povećanja šteta, neposredno prije sjetve ili sadnje, za vrijeme suše, u vrijeme dozrijevanja usjeva i plodova, kao i pojačanu ishranu i prihranjivanje divljači koja čini štetu,
- osiguravati dovoljne količine higijenski ispravne vode za divljač (uređenjem i održavanjem izvora, bunara i pojila i osiguranje prirodnih prostora gdje se zadržava voda),
- podizati "polja za divljač" i "remize za divljač" sjetvom i sadnjom biljnih vrsta koje privlače divljač u dijelovima lovišta udaljenim od površina na kojima divljač pričinjava štete,
- pružati pomoć vlasnicima i korisnicima zemljišta na kojima se nalazi lovište pri nabavci sredstava za odbijanje divljači (repelenata) i davati uputstva o korišćenju tih sredstava u cilju sprečavanja, odnosno smanjivanja šteta od divljači. Obim i način pružanja pomoći utvrđuju sporazumno korisnik lovišta i vlasnik-korisnik zemljišta, voda, usjeva i zasada,
- poduzimati mjere na čuvanju lovišta, edukaciji i kontinuiranom obavještanju lokalnog stanovništva o svemu što je od zajedničkog interesa,

- povećavati broj lovočuvara u vrijeme pojave većih šteta u određenim dijelovima lovišta, u cilju sprečavanja i smanjivanja šteta,
- istjerivati divljač s ugroženog zemljišta,
- postavljati znakove upozorenja na javnim putevima gdje su prelazi za divljač, uz prethodnu saglasnost nadležnog ministarstva,
- provoditi redovitu kontrolu zdravstvenog stanja divljači i sve druge mjere na koje ih obavezuju određeni propisi.

Trend pojave šteta od divljih svinja je u porastu, ali ne zbog prenamnoženja populacije, već zbog odsustva planskog gospodarenja lovištem, koje između ostalog, obvezuje korisnika lovišta da realizira odredbe lovnoprivredne osnove i godišnjeg plana gospodarenja lovištem (izvrše planirani odstrjel divljači), kao i da u lovištu osigura dovoljne količine hrane i vode za prehranu divljači.

Dakle, na nadležnim je kantonalnim organima, korisnicima lovišta ali i samim poljoprivrednim proizvođačima da sukladno zakonskom okviru zajednički i sustavno djeluju i međusobno surađuju u rješavanje navedenog problema kako bi se zadovoljili interesi korisnika lovišta i očuvala populacija divljači s jedne strane, i interesi poljoprivrednih proizvođača da se štete na poljoprivrednim kulturama svedu na najmanju moguću mjeru.

S poštovanjem,



Dostaviti:

- Predsjedavajućem Zastupničkog doma Parlamenta Federacije BiH,
- ⊖ Tajniku Zastupničkog doma Parlamenta Federacije BiH,
- Nedžad Šečić - zastupnik u Zastupničkom domu Parlamenta Federacije BiH
- Tajnici Vlade Federacije BiH,
- U spis predmeta.

---

Sarajevo, Hamdije Čemerlića br.2 Tel:+ 387 33 72 65 91, Fax: 033 72 66 69  
E-mail: [kabinet@fmpvs.gov.ba](mailto:kabinet@fmpvs.gov.ba)